

## AUGLÝSING

### um afgreiðslu bæjarstjórnar Kópavogsbæjar á auglýstri tillögu að breyttu deiliskipulagi.

*Fjallalind 64. Breytt deiliskipulag skv. 2. mgr. 26. gr. laga nr. 73/1997.*

Í samræmi við skipulags- og byggingarlög nr. 73/1997, með síðari breytingum, hefur bæjarstjórn Kópavogsbæjar samþykkt þann 8. júní 2006 tillögu að breyttu deiliskipulagi á lóðinni nr. 64 við Fjallalind.

Í tillögunni felst að byggð er sólstofa við húsið.

Tillagan var samþykkt í skipulagsnefnd 7. febrúar 2006 og send í kynningu til lóðarhafa Fjallalindar 56, 58, 60, 62, 82, 84, 86, 88 og 90. Kynningartíma lauk 27. mars 2006.

Athugasemdir bárust frá lóðarhafa Fjallalindar 62 þann 25. mars 2006. Á fundi skipulagsnefndar 4. apríl 2006 var erindið lagt fram að nýju ásamt áður nefndri athugasemd og frestað og bæjarskipulagi falið að taka saman umsögn varðandi innsenda athugasemd. Á fundi skipulagsnefndar 24. apríl 2006 var erindið lagt fram að nýju ásamt umsögn bæjarskipulags 19. apríl 2006 og frestað. Á fundi skipulagsnefndar 6. júní 2006 var erindið samþykkt og vísað til afgreiðslu bæjarráðs. Á fundi bæjarráðs 8. júní 2006 var framlögð tillaga samþykkt ásamt umsögn bæjarskipulags.

Uppdrættir hafa hlotið þá meðferð sem ofangreind lög mæla fyrir um.  
Skipulagið öðlast þegar gildi.

*Kópavogi, 24. mars 2007.*

**Smári Smárason** skipulagsstjóri.

---

B-deild – Útgáfud.: 29. mars 2007